

responsione non eger , sed reprehensione . Quid enim magis
 vituperandum in homine Thomista , quid in auctore novi
 libelli , qui res certas , & exploratas debuisset afferre , quam
 D. Thomæ testimonium adducere , quod ad rem fateantur
 non pertinere nobilissimi Thomistarum ? Si veri nominis ori-
 ginale peccatum in Deiparam confert B. Thomas , illud etiam
 dixisse putandum est in renatis manere . Habet enim (a) : *Ad*
secundum dicendum , quod peccatum originale per baptismum
ausfertur reatu , in quantum anima recuperat gratiam in quan-
tum ad mentem : remanet tamen peccatum originale actu in
quantum ad fomitem , qui est inordinatio partium inferiorum
animæ ipsius corporis secundum quod homo generat . Hæresim
ergo Lutheranam docuerit Angelicus docto[r]. Sed , inquires ,
explicandus is communè locus est . Alterum quoque inter-
pretantur , & ii quidem sincere , Cajetanus , Catharinus ,
Justinianus , aliquique quamplurimi e familia Prædictorum ;
carnisque maculam volunt D. Thomam significare , cum
doct[er] , Deiparam contraxisse originale peccatum . Ac tu
pessime facis , qui cum locum , vel tuorum iudicio magnopere
ambiguum , tamquam certum ostentas , Theologisque
emundæ naris obtrudis in urbe Roma . In quo decus , ac
dignitatem tanti magistri non tueris profecto , sed ludos facis ;
nec impudenter solum , sed etiam inique , insolenterque tra-
dusci . Divus enim Thomas piam sententiam diserte docet ; atque ille quidem non uno in loco , sed bene multis :
quorum nos aliquot proferemus . In 1. sent. distinct. 44.
quest. 1. art. 3. ad tertium , Puritas , inquit , intenditur per
recessum a contrario ; Et ideo potest aliquid creatum inveniri ,
quo nihil purius esse potest in rebus creatiis , si nulla contagione
peccati inquinatum sit . Et talis fuit puritas B. Virginis , qua
a peccato originali , & actuali immunis fuit . Fuit autem sub
Deo , in quantum erat in ea potentia ad peccandum . Et in quin-
tum caput Epistole ad Romanos lectione secunda : Omnes in
Adam peccaverunt , una excepta B. Virgine , qua nullam con-

(a) 1. 2. qu. 81. art. 3. ad 2.